

武英殿聚珍版書

吳興縣志

禹貢指南卷三

宋

毛

晃

撰

導岍及岐至于荆山逾于河壺口雷首至于太岳抵柱
析城至于王屋太行恒山至于碣石入于海

導山

岍山

在右扶風卽吳嶽也

周禮大司樂

注五嶽岱在兗州衡在荊州嵩在豫州華在雍州恒
在并州正義曰周處鎬京在五嶽外故鄭康成注
康誥云岐鎬處五嶽之外周公爲其道里不均故東
營洛邑合諸侯謀作天子之居是西都無西嶽權立

吳嶽爲西嶽 廣雅河西曰嶽頂有五峰 周禮職

方氏雍州其山鎮曰嶽山注嶽吳嶽也 漢地理志

吳嶽在汧縣西古文謂之汧山秦都咸陽山曰西嶽

岐山 解在雍州

荆山 解在雍州

壺口山 水經壺口山在河東北屈縣東南 馮衍

顯志賦瞰太行之嵯峨兮觀壺口之崢嶸注太行山

在上黨南壺口山在上黨東 九域志今潞州有上

黨河

雷首山 水經雷首山在河東蒲坂縣東南南有歷
山舜所耕處又曰伯夷叔齊隱于首陽山馬融曰在
蒲坂華山之北河曲之中揚雄河東賦曰登歷觀而
遠望兮聊浮游于河之巖注雷首西枕大河 九域
志雷首山今在陝州陝音閃中从兩入與陝字不同
陝音狎中从兩人 郭緣生述征記云華山與首陽
本同一山河神巨靈劈開以通河流 九域志今河
中府有巨靈祠有夷齊廟或謂首陽卽雷首未詳
太岳山 水經太岳山在河東永安縣山卽冀州岳

陽也 周禮職方氏冀州山鎮曰霍山卽霍太山也
亦曰太岳

底柱山 水經底柱山在河東太陽縣東河中 顏
師古曰在陝縣東北山在河中形若柱也

析城山 水經析城山在河東濩澤縣西南

王屋山 水經王屋山在河東垣曲縣東北昔黃帝
受丹訣于是山所謂河東者西河之東也底柱山在
東河中又東至于底柱是也

太行山 水經太行山在河內野王縣西北注太行

山一名歸山王烈得石髓處也 馮衍傳注太行山
在上黨南 九域志今河東路龍德府潞州有上黨
縣河北西路懷州有太行山河東路澤州亦有太行
山顏師古曰在河內山陽西北

恒山 水經恒山爲北嶽在中山郡上曲陽縣西北
碣石山 解在冀州 顏師古注漢地理志曰太行
恒山二山連延東北接碣石而入于海與孔氏書傳
同 漢武帝元封元年行自泰山東巡海上至碣石
文穎曰碣石在遼西繫縣縣今罷屬臨榆此石著海

旁顏師古曰碣者碣然特立之貌也 經言夾右碣

石鄭康成以爲禹由碣石山西北行盡冀州之境還
從山東南行入河 正義云鄭以北行則東爲右南
行西爲右故夾山兩旁山常居右與孔傳異

三條四列 按尙書正義導岍至敷淺原舊說以爲
三條地理志云禹貢北條荆山在馮翊懷德縣南南
條荆山在南郡臨沮縣東北此是舊有三條之說馬
融王肅皆以爲三條導岍爲北條西傾爲中條嶓冢
爲南條鄭康成以爲四列謂導岍爲正陰列西傾爲

次陰列嶧冢爲次陽列岍山爲正陽列其首尾延連相及孔氏之意亦必與馬鄭同

西傾朱圉鳥鼠至于太華熊耳外方桐柏至于陪尾

西傾山 解在梁州

朱圉山 水經朱圉山在天水北冀縣南山有石鼓

開山圖謂之天鼓山 顏師古曰朱圉山在漢陽冀

縣南

鳥鼠山 解在雍州

太華山 在京兆華陰縣南 山海經曰太華之山

削成而四方其高五千仞其廣十里鳥獸莫居有蛇
焉名曰肥遺方足四翼見則天下大旱武王放馬牛
于桃林墟孔安國曰在華山東屬漢宏農郡華陰縣
書疏華山四州之際東北冀東南豫西南梁西北
雍十字分之四隅爲四州一名太華 水經注引國
語云華岳本一山當河河水過而曲行河神巨靈手
盪脚蹋開而爲兩今掌足之跡仍存華巖開山圖曰
有巨靈者偏得神元之道能造山川出河所謂巨靈
鼉鼉首戴靈山者也 顏師古曰太華卽今華陽山

九域志華州潼關卽桃林之塞也

熊耳山 在宏農盧氏縣東 水經注熊耳山一名

蔓渠 山海經曰其上多漆其下多櫟餘豪之水出

焉西北流注于洛洛水之北有熊耳山雙巒競舉狀

同熊耳注曰此自別山不與禹貢導洛自熊耳同也

昔漢光武破赤眉樊崇積甲仗與熊耳山平卽是南

安縣有熊耳峽 顏師古曰在陝東

外方山 卽嵩高山也在潁川 水經外方山崧高

是也 鄭康成毛詩譜云外方之山卽嵩高也山海

世系表
卷三
經謂爲大室之山左傳司馬侯言大室杜預曰在河
南陽城縣西南 孟子益避禹之子于箕山之陰注
云嵩高之北 漢地理志密高縣屬潁川郡武帝置
以奉大室山是爲中岳有大室中室山廟古文以爲
外方山密古崇字顏師古曰外方在潁川故縣卽崇
高也

桐柏山 水經桐柏山在南陽平氏縣東南

陪尾山 水經陪尾山在江夏安陸縣東北 泗水

注魯國卞縣東南陶虛西阜泗水出焉博物志曰泗

出陪尾卽斯阜也此自是魯國泗水之所出俗呼媯亭山偶名陪尾非安陸之陪尾山也 漢地理志安陸縣橫尾山在東北古文以爲倍尾山倍讀曰陪顏師古曰熊耳外方桐柏陪尾四山相連也 晉地理志江夏郡安陸縣橫尾山在東北古之陪尾山

導嶓冢至于荆山內方至于大別

嶓冢山 解在梁州 水經穀水出宏農龜池縣南

嶓冢林穀陽谷注山海經曰傳山之西有林焉曰嶓冢穀水出焉東流注于洛今穀水出于嶓東馬頭山

穀陽谷東北流歷鼃池川漢景帝三年初徙萬戶爲
因嶠鼃之池以目縣焉此非漾水所出之嶠冢山乃
嶠冢林耳嶠冢山在隴西詳在導川漾水

荆山 此梁州荆山在梁荆二州之間故晉志謂荆
州取名于荆山 水經荆山在南郡臨沮縣東北注
南條山也卞和得璞玉于是山楚王不理懷王哭于
其下後玉人理之所謂和氏之璧 荊州記曰西北
三十里有清谿谿卽荆山首曰景山卽卞和泣玉處
南郡賦曰漢水至荆山東別流爲滄浪之水

內方山 水經內方山在江夏竟陵縣東北 漢地理志竟陵縣章山在東北古文以爲內方山

大別山 水經大別山在廬江安豐縣西南漢水觸大別山而南入于江 左傳定公四年吳伐楚楚子常濟漢而陳自小別至于大別二別皆在漢上杜預曰禹貢漢水至大別南入江然則此二別在江夏界水經注曰巴水出雩婁縣之下靈山卽大別山也與決水同出一山故世謂之分水山亦或曰巴山京相璠春秋土地名曰大別漢東山名也在安豐縣

南杜預釋地曰二別近漢之名無緣乃在安豐案地
說言漢水東行觸大別之陂南與江合則與禹貢相
符矣

岷山之陽至于衡山過九江至于敷淺原

岷山 解在梁州 漢地理志作嶧郊祀志云瀆山

蜀之岷山也秦漢時又謂之瀆山始皇常令祠官奉

祠 王羲之與謝安書曰蜀中山川如岷山夏含霜

雪攷之前聞崑崙之中也 九域志成都府路茂州

有岷山

衡山 水經衡山在長沙湘南縣東南注禹治洪水至此祭衡山于是得金簡玉字之書案省玉字得通水理也 顏師古曰岷山江所出衡山江所經

敷淺原 水經敷淺山地在豫章歷陵縣西南有傅陽山卽敷淺原 漢志敷淺原一名傅易山在豫章郡歷陵縣傅易川在南顏師古曰傅讀曰敷易古陽字 今觀所謂傅易山甚庠小恐非經所記者或謂衡山東至廬阜極于大江彭蠡之交而止疑此爲敷淺原白居易以爲江入海處爲敷淺原則丹陽京口